

2003-mi ukiup affaani siullermi takornariat 7,0 pct-nik ikileriarput


2003-mi ukiup affaani siullermi takornariat 7,0 procentinik ikileriarput.

2003-mi ukiup affaani siullermi 11.839-t Kalaallit Nunaannut takornariarput, taakku-lu 2002-mi ukiup affaanut siullermut naleqqiullugit 888-nik ikinnerupput, taamani 12.727-t takornariarsimmata.

Ikileriarfiuvoq 7,0 procentinik tamannalu takuneqarsinnaavoq *"2003-mi ukiup affaani siullermi timmisartunik sulusalinnik ilaasimasut naatsorsorneqarfianni"*, Kalaallit Nunaanni naatsorsueqqissaartarfiup nittartagaani www.statgreen.gl-mi tamanut takusassiarineqaqqammersumi.

Takornariat ikileriansimanagerat 2003-mi ukiup affaani siullermi akunnittarfinni allani-lu unnuisarsimanagerit naatsorsoqqissaarneqarfianni uppersarneqarpoq, ersermat 2002-ip affaanut siullermut naleqqiullugu unnuisarnerit 12 procentinik ikileriasimasut.

Figur 1. Takornariat nunap immikkoortortaanut agguataarneri procentinngorlugit, ukiup affaa siulleq 2002 aamma 2003.



Takussutissiami 1-mi ersersinneqarpoq 2002-mi ukiup affaani siullermi kiisalu 2003-mi ukiup affaani siullermi nunap immikkoortortaanut sorlernut takornariat ingerlasarsimanagerit. 2003-mi ukiup affaani siullermi Kujataanut Tunumut Qeqertarsuullu tunuanut takornariat malunnartumik amerleriasimasut. takuneqarsinnaavoq. aammali takuneqarsinnaavoq 2003-mi ukiup affaani siullermi Qeqqanut ikinnerit takornariarussimasut.

2002-mi 2003-milu ukiup affaani siullermi takornariat nunap immikkoortortaanut aggorneri

Danskit takornariat amerlanerupput Takoarnariat amerlanerpaartaat danskiupput (87,9 pct) taakkulu amerlanerpaartaat Kalaallit Nunaannukartarput sulinngiffeqarnerminni. 2003-mi ukiup affaani siullermi tikiraat quliungaangata sisamat feriartuusarput, pingajuallu niueriannikkuni suliaminut atatillugu angalasuusarluni. Takornariat sisamaangaangata pingasut Kalaallit Nunaanniittarput ullut 15-t inorlugit. Takornariat tallimaangaangata marluk 50-nik sinnerlugilluunniit ukioqartuusarput.

Pdf-fil-itut Saqqummersitaq Naatsorsueqqissaartarfiup internettimi nittartagaani *www.statgreen.gl-imi* imaluunniit Naatsorsueqqissaartarfimmi pdf-fil-inngorlugu pissarsiarineqarsinnaavoq.

E-mailikkut nutaarsiassanik pisartagaqalerit Kisitsisitigut paasissutissat nutaat Naatsorsueqqissaartarfiup internettimi nittartagaani tamanut saqqummiunneqartut siunissami pisartagarilerusukkukkit elektroniskimik nutaarsiassaqarfitsinnut ilanngussinnaavutit: *www.statgreen.gl-imut* iseruit, toqqagassami „nyhedsbrev“ iserfigeriarlugu pisartagaqalerniarlutit nalunaassaatit. Taamaalillutit kisitsisitigut paasissutissanik tamanut saqqummersitsinivut tamaasa siunissami e-mailisarisalissavatit.

Paasissutissat sukumiinerusut pissarsiarineqarsinnaapput tusagassiortumut Thorkild Knudsenimut e-mail-imut *thkn@gh.gl* imaluunniit telefonimut 34 55 85-imut (toqqaannartoq) saaffiginninnikkut.

Inussiarnersumik inuulluaqqusillunga

Thorkild Knudsen
Paasissutissiisartog